

卷四十

藝文書錄集部

臨海縣志稿 第廿一冊

臨海縣志稿卷之四十

藝文

集部

項子遷詩集一卷

一作項斯詩集見崇文總目唐書藝文志直齋書錄解題遂初堂書目文獻通考宋史藝文志焦竑

經籍志兩浙名賢錄絳雲樓書目世善堂書目述古堂藏書目臨海縣志浙江通志三台詩錄仙居縣志清學部圖書館善本書目

台州書目天台山方外志

唐項斯撰斯字子遷會昌四年進士終丹徒縣尉是集所傳各

種版本頗

張洎序項斯字子遷江東人會昌四年左僕射王起下進士及第始命潤州丹徒縣尉卒於任吳中張水部爲

律格詩尤工於匠物字清意遠不涉舊體天下莫能窺其奧唯朱

慶餘一人親授其旨沿流而下任蕃陳標章孝標倪勝司空圖等

咸入門焉寶歷開成之際聲價藉甚時特爲水部所知賞故其詩

格頗與水部類詞清妙而句美麗奇絕蓋得於意表殆非常情所

及故鄭少師薰云項斯逢水部誰道不關情又楊祭酒敬之云幾
度見詩詩總好及觀標格過於詩平生不解藏人善到處逢人說
項斯自傳昭已還雅道陵缺君之遺句絕無知見慮年祀浸久沒
而不傳故聊序所云著於卷首南譙張洎述書錄解題唐才子
傳斯性疏曠溫飽非其本心初築草廬于朝陽峯前顧視清高磅
礪字宙戴蘇花冠披鶴縠衣就松陽枕白石飲清泉長哦細酌如
此三十餘年晚汗一名殊屈清致集一卷今行王魏勝跋子遷
先生吾邑東鄉人去城二十里而近今猶呼項斯坑蓋吾鄉民情
樸循往往以聞人姓字呼其所居如南鄉柯思壩緣敬仲先生得
名皆此類也去坑里許三學寺宋太平興國二年釋口願碑云項
斯之宅可尋先生及第在會昌四年時既非遙居又相近放資以
潤色碑即鴻書酷類柳誠懸好古者往往揚之郡志稱臨海人時
仙居省入臨海故也或稱江東古於吳越間人不能確指其何地
概稱為江東羅隱餘杭人亦稱江東人獨先生也哉詩一卷得於
武林舊肆原本僅四十一首益以全唐詩錄四十餘首并前安洲
詩錄所採共得百餘首庶復舊觀乎吾知海內風雅士定有先睹
為快者矣咸豐六年三月
邑後學杏村王魏勝跋

任蕃小集一卷

林下偶談直齋書錄解題 崇文總目焦
竑經籍志作任翻詩文獻通考作十卷

唐任蕃撰

席刻唐詩百名家集僅載其詩十首今楊晨刻本多八

台郡城有巾子山唐任蕃題詩所謂絕頂新秋生夜涼鶴翻松露
滴衣裳之句天下傳詠爲古今絕唱嘗考新舊唐詩并唐五代以
來小說傳記與夫唐人詩集百家詩類苑選百家詩選雅言系
述中興間氣集小選集選文集粹文苑英華詞苑瓊華寶刻叢章唐
之詩人殆無遺矣皆不及蕃之出處行事又獨僕家有吳僧簡微
集唐詩一編猶是宣簡田公嘉祐手錄其間有任蕃詩十首清新
婉麗與巾子山詩一律乃馳以告令天台太守秘閣舒屬邑望江
刻之李嘉祐詩集之後以傳不朽龍興初向公守龍舒屬邑望江
有麴令神祠甚肅卽白樂天所稱麴信陵也世亦不知其有集獨
僕有曾大父手錄存焉忻然刻置詞下而麴君之作得以暴白今
任君之詩又遇公而不沒則發潛德之幽光公之用心非一日矣
王棻書後右任蕃小集一卷見陳氏書錄解題及馬氏文獻通
考今從席氏唐詩百名家全集錄出凡五律詩十首末附七絕詩
一首又王廉清跋一首案赤城志作任蕃載寓唐詩主客圖曰
郡人吳荆溪林下偶談亦曰郡人且云有小集刻於郡齋僅十
篇卽此本也劉後村曰蕃詩存者五言十首而已然多佳句衆鳥
已歸樹旅人猶過山贈僧云半頂髮根白一生心地清居然可愛
今人動爲千百首而無一可傳者然後村所見亦卽此本也集中

所載哭友人詩一首又見項斯詩集作哭南流人異者僅十七字
豈著集散佚編錄者雜取他集以足之歟咸豐元年閏八月柔橋
居隱識

章安集二十卷

宋史藝文志作
揚蟠詩二十卷

宋楊蟠撰

今僅傳永嘉百詠西湖
百詠及山遊唱和詩

天台集

宋陳貽序撰

洪志

慶善集

宋陳貽範撰

洪志

天台集十卷外集四卷

宋陳克撰

直齋書錄解題臨海陳克子高撰李庚子長跋其後云
刪定鄉人也少時侍運判公貽序官學四方曾慥詩選

叙爲金陵人蓋失其實今考集中首末多在建康且嘗就試焉當是僑寓也詩選又言不事科舉以呂安老薦入幕府得官按集有問榜二絕則嘗應舉矣又有甲午歲所作詩云三十四則其生當在元豐辛酉得官入幕蓋已老矣詩多情致詞尤工

陳子高遺稿一卷 赤城詞一卷

宋陳克撰

有赤城遺書彙刊本 陳直齋書錄解題有子高赤城詞一卷 三台詩話陳子高克臨海人元豐間名士嘗

爲速令所刪定官僑居金陵從呂安老淮西軍中死鄺瓊之難有台天集及外集皆共傳余得其遺稿一帙盡題畫之作穠麗婉轉妙有寄託七絕猶酷似義山題唐畫牡丹云重樓傑閣上烟霞戟帶飄飄護翠華侍女番休春醉著不知野鹿犯宮花董瑞明漁父圖云繪縷絲雪色魚碧筒香細到村沽江天此樂誰無分不問官家乞鑑湖過石佛看宗大夫畫山水云霜落石林江氣清隔江暮山橫個中只欠崔夫子滿幅秋猶見

風信馬行昔人云皆宋詩中出色者

王舟瑤序樓攻媿序李庚論癡符云陳子高台人也詩名已久而所傳不多公嘗盡得其遺逸者板行於江右視舊殆過倍蓰而子高之詩益顯是其集本李氏所輯直齋曾引其跋語今集佚已久卽李氏之跋亦不見全文矣然佚事佳句往往散見於吳氏能改

齋漫錄許氏彥周詩話胡氏茗溪漁隱叢話黃氏梁谿漫志姚氏
西溪叢話劉氏後村詩話翟氏歸田詩話諸書戚鶴泉大令謂江
湖續集有其詩一帙皆題畫之作按江續集無子高詩其題畫
之詩則見於聲畫集戚氏偶誤記耳項氏是卷從兩宋名賢小集
中錄出余略舉其未備爲補遺并錄它書以附之當子高赴呂安
老之解葉石林曾沮其行謂安老非馭將之才子高詩人非國士
夫子高雖詩人然酈瓊之變卒以身殉義烈凜然其題三品石云
臨春結綺今何在屹立亭亭終不改可憐江令負君恩白頭仍作
北朝臣其氣節早見吟詠之間以視今之文士朝失國而暮彈冠
禾油麥秀略不動心者其賢不肖爲何如耶子高之詞尤勝於詩
直齋稱爲晏周流亞見於樂府雅詞諸書者輯之尙可
成卷諤軒復有意刊行否乎乙卯小滿黃巖王舟瑤

筠翁長短句

宋左譽撰

台州外書曰譽字與言士緯之族子工小詞人以比柳屯田三台詩錄云譽大觀二年進士終湖州通判事迹

見朱竹垞詞綜
及余三台詩話

骨鯁集二十卷

宋陳公輔撰

洪志

論癡符二十卷

宋李庚撰

見攻媿集公察院所爲

樓鑰序客有以書一編示余曰此赤城李

意余曰公於書無不讀此名殆不苟也海邦貨魚於市夸詡其美
謂之論魚雖微物亦然字書以爲論街賣也顏黃門作家訓曰吾
見世人之意蓋出於此特謙辭耳公諱庚子長其字也少年筆力絕
符公之意蓋出於此特謙辭耳公諱庚子長其字也少年筆力絕
人始爲長沙尉一時帥守部使者傾待之皆以箋翰委公從容泛
應無不曲當時余伯父揚州爲漕使公首以箋進謁有曰衰懷
錯落有秋風鱸膾之思舊學荒涼無春草池塘之夢伯父一見擊
賞延爲賓客不復以寮吏遇之湯公參政時帥湖南後爲中司遂
解公檢法官遷六察以爲朗而歸自此三數十年間僅一再以磨節
出終不得爲文字官以展究所長識者恨之余倅丹邱始得拜公
之門公方買屋近郊古木交陰庭草錯列若隱士居聚書數萬卷
於樓上閉門不與人通老矣猶沈酣其中里閭鮮識其面與人接
雖微賤必與之抗禮後生有以經史叩請隨卽嚮答詩文益高時
出一篇卽日傳誦哀輓之作尤爲悽惋真可以泣鬼神也公之子

澎湃因求余序其首余度公所著甚多猶有遺者更搜故稿盡出而
行於世以慰其平生筆硯之功則箕裘可以墜矣陳子高克台
人也詩名已久而所傳不多公嘗盡得其遺逸者板行於江右視
舊殆過倍蓰而子高之詩益顯公亦將以此望後人乎然讀此編
者亦足以知公之所存矣

直齋書錄解題論之義銜鬻也市人鬻物於市誇號之曰論此三
字本出顏氏家訓以譏無才思而流布醜拙者以名其集示謙也

東江集十卷

宋謝肅撰

肅丞相深甫子
見書錄解題

勁正集十六卷

宋陳良翰撰

洪志

石子重文集十卷

宋石整撰

洪志

甲子文集五十卷

宋陳天瑞撰

洪志

季節遺文

宋徐廷筠撰

楊晨台州藝文略

樞密文集

宋陳騭撰

洪志

貧窗集十卷

宋陳耆卿撰

清光緒間葉書重印

自序予八九歲學屬文十二入鄉校先生長者以粗工舉業亟進之他未之學也已而杜門銜恤去秋賦遠甚得肆其力於古文如登岷崙璆琳珎璜爛日萬狀欲與之敵而應答不暇於是知作文之難詩詠性情非有感觸不作也文雖強作亦不多見四六之浮

至於家臯夔而人稷契讀之欲噓予心病焉會四五郡侯連以牋
翰爲囑辭不獲命涉筆無休時今數之不啻千百矣予三十五竊
末第人視之未爲甚暮然老態先白臥病日十九或謂予技癢役
其形而然予思之誠是也獨以疇昔勞瘁不忍付之埃土擇其粗
可予懷者錄藏之今而後當涵浸乎義理之學詞章之習
不惟不敢亦不暇姑志吾過以諗來者嘉定六年寒節
葉適序建安中徐陳應劉爭飾詞藻見稱於時識者謂兩京餘澤
由七子尙存自後文體變落雖工愈下雖麗益靡古風不復者幾
數百年元祐初黃泰晁張各擅毫墨待價而顯許之者以爲古人
大文賴數君復見及夫紛紜於紹述埋沒於播遷異等不越宏詞
高第僅止科舉前代遺聞風流泯絕又百有餘年矣文之廢興與
治消長亦豈細故哉建安元祐恍然再睹蓋未易常情限也若夫
出奇吐穎何地無才近宗歐曾高揖秦漢未脫摹擬之習徒爲陵
肆之資所知不深自好已甚欲周目前之用固難矣又安能及遠
乎君之於文涉獵旣多培植亦厚規制廣而密波瀾浩而平錯綜
應會緯經句等膏潤枯筆之復安徐審步之未若是則薦之郊廟
而王度美藏之林藪而幽願愜矣至於審其所從不求苟同量其
所與母爲易得趨捨一心之信臧否百世之公則何止於建安元
祐之文也

竹村集

宋林師蒧撰

楊晨台州藝文略

玉溪吟草

宋林表民撰

見一堂集

宋鹿何撰

樓鑰墓志銘

奏議集

宋周洎撰

洪志

醒庵集

宋王卿月撰

洪志

燕石集

宋朱斐撰

赤城志字知裁建炎二年進士官至大理少卿

荆溪集

宋吳子良撰

洪志

帝金集

宋高耕撰

洪志

樵石集

宋湯緒撰

洪志

澮水集

宋蔡向撰

洪志

獵較集

宋朱敦儒撰

洪志

崇道集

宋楊棟撰

洪志

克齋集

宋董楷撰

洪志

更生集

宋梁志道撰

洪志

竹西集

宋陳處義撰

洪志

益齋文稿

宋鹿昌運撰

字會之官朝散郎
見黃序撰墓志銘

平心集十卷

邵塵集

宋王淦撰

字困道官衡陽知
縣見江朝宗墓志

寶慶集

宋錢應孫撰

字定之官
大府卿

平齋類稿三十六卷

鐘呂集

宋關嶧撰

字仲山官江東安
撫司見補志料

松窗集

宋錢端禮撰

台州札記吳越忠懿王六世孫初康公賢穆葬天
台之護國山公以某年某月甲子從葬遂爲台人

雪巢小集二卷

宋林憲撰

字景思書錄解題東魯景思初寓吳興從徐慶敦立游後爲參政賀允中子忱孫壻寓臨海其人高尚詩清淡

五言四韻古句尤佳殆逼陶謝梁谿尤延之誠齋楊廷秀皆爲之序且爲雪巢賦及記余爲南城其子游謁至邑以家集見示愛而錄之及守台州則板行久矣視所錄本稍多然其暮年詩似不逮其初往往以貧爲累不能不衰索也

松隱文集三十九卷

宋曹勛撰

簡明目錄原本四十卷今佚一卷勛嘗從徽宗北行後又使金迎宣仁太后故集中詩文多可以參證史事其

文頗雅瞻詩格多類小詞蓋勛元寵本以紅窗迴曲擅名也郭協寅曰墓在西鄉四十里顯恩寺左余按其輒文曰大宋太尉曹公之墓貪者不取有咎無鑒共十六字

忠穆集八卷

宋呂頤浩撰

簡明目錄原本久佚今從永樂大典錄出頤浩排李綱李光又創立椿錢法貽害東南深爲公論所不與

然奏筭諳練事勢多能先見故其都督江淮雖未能恢復亦不至如張浚之債轍

北海集四十六卷附錄三卷

宋綦崇禮撰

簡明目錄原本久佚今從永樂大典錄出凡詩文三十六卷諸體寥寥惟制誥表啓最多亦惟是體最工

後十卷爲兵籌類要皆援據兵法系以議斷其附錄三卷則誥傳敕志之屬也

漢濱集十六卷

宋王之望撰

簡明目錄原文久佚今從永樂大典錄出之望附和湯思退頗不愜於清議其文則舒暢明達猶有元祐

之舊格赤城志之望字瞻叔襄陽人詔興八年中第隆興二年參知政事終資政殿大學士諡敏肅紹興初寓臨海

紫巖稿十卷

元周潤祖撰

洪志

仲禮集